



10065

金華文徵卷之十九

明 金華司李滇南馬龍阮元聲無聲

金華令西蜀忠州高 倬雲章甫

金華學博浙鄞楊德周齊莊甫輯訂

弟子員戴應鰲編次

贊

辛稼軒畫像贊

宋陳 亮

眼光有稜足以照映一世之豪。背胛有負足以荷載四國之重。出其豪末翻然震動。不知鬚髮之既班。庶幾膽力之無恐。呼而來麾而去。無所逃天地之間。撓金華文徵卷之十九 贊 一

弗濁。澄弗清。豈自為將相之種。故曰真鼠枉用。真虎

可以不用而用也者。所以為天寵也。

評 屹然昂呂之重

金華學博

宋 亮

金華學博

金華令西蜀忠州高

金華同李

金華文徵卷之十九



接輿讚

元吳萊

古有狂者曰惟接輿辟世不仕裸身以趨放言鬼行  
神則內居鳥驚獸馱雖聖弗徒聖人于行荆楚是屈  
救時斯亟從政者殆矧麟未踐何鳳之翮曷違我真  
遂受世害繫聖所可彼猶不然曰父曰母曰人曰天  
執心旣一抱道弗權視茲犬彘獨不天淵夫何山谷  
卒遁名姓蕪菁是食駟鑑枉聘聿和其光克完爾性  
高飈不群隱德之鏡我友者扈曾弗服裳豈無汚濁  
譏我踽涼旣馳且驚滿國若狂古狂不作俾也可忘  
評 恍聞爾歌噉噉在耳

金華文徵八卷之十九

讚

二

接輿二

對輿讚

元吳萊





君臣父子之義不明。天下奸臣倡邪。以誤其國。賢人君子力爭而不勝。固末如之何。然其正大之情。英偉之氣。千載而下。聞者猶感憤激烈。則民彝天典之重。豈不足以有所助哉。宋靖康之禍。酷矣。高宗脅于秦檜之謀。忘仇請和。屈膝請命。紹興戊午。遣使群臣交口合辭。以爲不可。而胡公銓上書言尤切直。金人購以千金。讀之。驚嘆東陽賈公廷佐時爲左廸功郎嚴州桐廬縣主簿。一再上書累數千言。劇論仇耻之不可忘。名分之不可貶。和約

之不可信。請誅王倫。拘虜使。決意用兵。其激切之辭。有曰。陛下爲戎人諸侯臣。爲犬馬陪屬。曰。此天也。祖宗之天。此地也。祖宗之地。一朝而化爲戎虜之天地。可乎。無天可戴。無地可履。不如無生。曰。陛下委靡從虜。則天下將圍視而起。不怨虜而怨陛下。曰。劉毅之禍。可爲寒心。陛下尚何面目戴黃屋。王天下。邪。嗚呼。其言一至此哉。夫畧與胡公同。皆其君所不能堪。又謂今有將可使有兵。可戰。直爲壯曲。曲爲老母。以強弱論事。又本乎義理之正。而深識事勢之宜。非區區較計利害之間者也。胡公

既遠竄而公顧弗及豈以其猶不直斥檜而獲宥歟考之宋史當時內外之臣如李綱王庶曾開張燾晏敦復魏在許忻趙雍胡程朱松張廣凌景夏常明范如圭李弥遜方廷實梁汝嘉蘇符蕭振薛徽言之徒章疏畧見一二而廷佐曾不得齒名其間豈又以小邑下官在所畧耶魏炎之集讜議今亦無攷世知誦胡公之書而不知有公惜哉公字子野世居東陽之蘭隰宣和中入太學登紹興二年進士第升朝嘗爲大理司直通判湖州台州遷詳定一司勅令所刪定官後薦起知處州辭遂致

金華文徵卷之十九

讚

六

賈刪三

其仕今其鄉猶稱賈刪定子孫多以文學顯者七世孫權出公二書及家譜示予併獲拜其像英風義槩凜焉如存吾鄉有人如是而忍使之泯泯湮沒哉竊不自揆表而著之贊曰

昔在紹興屈身和仇嗟嗟賈公獨爲已羞越職叩闕。據憤陳義子房之忠仲連之志天地與立曰惟綱常。二書之存千載有光其官則卑繁節甚偉遺像凜然。孰不敬止。

評 此一腔熱血有不入地而三年化爲碧者也

孝爲百行之原。盡其道以名於世者古聞其人矣。今未之見也。况爲人婦而得以孝名。尤絕無而僅有。宜嘉歎而表異者也。暨陽楊君敬妻方氏事姑。孝姑何氏。臍道患澁。弗能親御。偃溲。方每浸沃湯藥中。指探出之。歲久。手紋龜裂。無倦色。姑得以壽終。可謂行人婦之所難者矣。卒年六十一。葬黃茅山之原。金華宋君希濂。父聞而嘉之。恐其事之無聞也。大書孝婦字表其墓。且作辭以勸來者。嗚呼。樂道人之善者。君子之心也。行人之所難者。孝子之行也。今孝婦之孝。其

金華文徵入卷之十九

序

七

方孝

姑不啻孝子之孝。其父母名曰孝婦。宜矣。昔漢陳孝婦終養其姑。名聞于朝。崔山南祖母唐乳其姑。猶芳簡冊焉。知孝婦之事。不名於今。而聞于後乎。然其名也。則自宋君始。予以知君好善之聲。繇是而益彰矣。喜爲之讚。以俟夫觀風者。

讚曰。於戲。孝婦淑德懿行。孝養厥姑。匪值溫清。姑嬰奇疾。醫療爲難。竭力殫心。不辭苦艱。闔歲旣深。手紋龜裂。一時淳風。千古嘉節。茅山之原。不啻不碑。不有發揮。其孰知之。猗歟。宋君豈弟忠厚。大書墓表。以勸厥後。婦事舅姑如事父母。哀今之人。不孝不友。矯首

崇軒寧無愧咎鳴戲休哉  
評 其馨香上達于天

金華文徵卷之十九

序

八



其馨香上達于天

崇軒寧無愧咎鳴戲休哉

西南夷日昔出良馬而產於羅鬼國者尤良。或云羅鬼疑卽古之鬼方。其地有養龍坑。在兩山之中。泓渟羸深。開闔靈氣。而蛟龍實藏其下。當春日始和。物情暢。夷人立柳坑。泮擇牝馬之貞者繫之。已而雲霧晦。眠咫尺不能辨。色類有物。蜿蜒上與馬接。蓋龍云逮天色。開霽視馬。傷傷之。沙有龍跡者。則與龍遇。謹其芻藪而節宜之。豎產必獲龍駒。馬粵若洪武四年六月壬寅。夏國王明昇以全蜀降。獻良馬凡十。而其一色正白。乃得之於阬者。身長十有一尺。首高九尺。足

金華文徵

卷之十九

贊

九

龍馬

之高。比首而殺其二尺。有肉隱起。項下約厚五分。廣三寸餘。貫膺絡腹。至閭尾而止。精彩明晃。振鬣一鳴。萬馬爲之辟易。韉勒不可近。近輒作人立而吼。上謂天旣生此英物。必有神以司之。親撰視策。詔有司以牲牢祀于馬祖。然後勅典牧副使臣高敬囊。鈔四百斤壓之。人跨囊上。使其遊行苑中。久之性漸柔馴。適八月癸巳。上將行夕月之禮于清涼山壇。上於是乘之而出。如躡雲而馳。塵弗驚。皇情悅豫。賜其名爲飛越鋒。復命御用監直長臣馬晉臣繪其真形藏焉。臣濂稽諸載籍。漢之元鼎中有神駒出。

海注水中馬之生于水者尚矣。豢龍之說雖相傳于  
夷人，要當可徵不誣也。肆惟皇上以大德而立大  
寶日之所出，日之所沒，無不梯山航海獻贊奉琛，邇  
者獨角之犀來自九真，食火之鷄貢於三佛，齊之境  
其他侂形僑狀，籍籍紛紛，且不一而足。而況此水產  
之龍馬乎？周書有云：不寶遠物，則遠人格。所寶惟賢  
則邇人安。皇上宵衣旰食，日懷保于小民，岩穴之  
士蒐羅殆盡，將圖治安如黃虞時，其遐荒殊裔珍毓  
奇產未嘗有心求之，所以榮光休氣洋溢中國，仁聲  
義聞充洽八表，而龍媒之異自致于天閑十二之中。

金華文徵卷之十九

贊

十

龍馬三

揆之于書，前聖後聖，蓋同一軌轍也。其視貳師之遺  
黷武窮兵以索諸大宛者，果爲何如哉？臣濂以文字  
爲職業，際茲盛美，不敢默而無言，謹述贊詞一首以  
貽諸後世。贊曰：  
天駟爰蛟龍，升靈泓澄神。馬生祥飈瑞，雷晝杳冥天。  
一奔聚通精，靈龍胡盈鳧。臆輕竹披耳，鏡縣睛花雪。  
捲毛光照夜，汗溝有血霞。流頰振鬣鳴，萬馬驚閃流。  
電逐飛星九霄，彷彿從龍行。但聞瀟瀟風雨聲，三川  
平八極，寧真龍媒獻。龍廷出入天門，駕龍輶，太霞  
五彩滿瑤京。皇風清，皇道貞。皇威明，茫茫堪



齊人王蠋有言曰忠臣不事二君烈女不更二夫文  
之從人一與之黜當終身不改譬之白璧小有玷辱  
人將斥去而不之顧臣之事君也其理亦同故蠋特  
並言之事二君者雖辨如虞姬知如鄧曼吾知其決  
非良婦事二君者雖功如汾陽才如西平吾知其決  
非良臣嗚呼使此義昭如白日人臣安肯懷二心而  
國安有喪亡之禍哉東陽滕茂實當宋靖康初以太  
學正與僉書路允迪奉使于金議割三鎮太原尋奉  
密詔據城不下金人怒囚之雲中欽宗北遷茂實謁  
留鴈門終身不再仕臨沒令以黃幡裹屍而葬仍刻  
石識云宋使者東陽滕茂實墓此殆不事二君者歟  
當是時有宇文虛中者亦以黃門侍郎使金見留遂  
改節易行反面事虜其後雖欲奪兵使南奔而自贖  
卒亦不逃君子之識其視吾茂實果何如也茂實已  
矣人至今想其遺節如神龍不可得見至視虛中輩  
不啻若鬼域犬豕有識妾婦亦羞聞之此無他人心  
天理終不可誣也乃作滕奉使贊用規事君而有二  
心者贊曰

漢有蘇武奉使不屈。滕公配之。有聲烈烈。黃幡暴屍。  
以全臣節。如璧之白。弗繼弗缺。其人雖亡。而神不滅。  
上游帝所。凌厲日月。降臣是之。肝碎膽裂。敢述贊辭。  
勒在貞碣。

評 可方文山正氣歌

金華文徵入卷之十九

讚

十三

陸春二



可方文山正氣歌

此南橋所刻本對不取類公類之可類然亦黃都果是

天地之大德曰生。夫生者乃天地之心。雖陰陽之所運行。有開闢舒慘之不齊。然天地之心。生生而弗息者。恒循環於無窮。有如碩果不食。則生道已具其中。俟時發育。挺然而莫之遏矣。世至五代。用兵爭強。屠戮逮乎鷄犬。是天下極亂之時。蓋無復人道。有能于其間。不爲氣運之所遷變。而一念之仁。有以契夫生生弗息之心。則其感召之速。所以敷遺于後人者。其澤曷有既哉。閩之練夫人。諱寯。建州刺史章公仔鈞之妻也。生而有肉髮深沉。而端毅終日。或不一笑言。

金華文徵卷之十九 像贊

十四

練氏

且知識有絕人者。時閩王命公屯兵浦城之西。岩南唐盧將軍帥師來侵我公。遣二校請師于州。失期將斬之。夫人勸曰。時危民未靖。公奈何斬壯士。公悟。不問二校。逸入南唐。皆爲大將。一則金陵邊鎬。一則上元。王建封也。保大三年二月。南唐遣江南安撫使查文徽伐閩。取建州。邊鎬爲行營。招討建封爲先鋒。橋道使奪其險要。已而建封焚外郭。八月甲子。克之。公歿已久。獨夫人猶存。二校遣使者持金帛遺夫人。以一白旗授之。曰。吾且屠城。夫人宜植于門。吾已戒士卒勿犯矣。夫人返其金帛。并旗弗受。曰。君幸思舊德。

願全此城必欲屠之吾家與衆俱就死耳不能獨生也二校感其言遂止夫人之子一十五人孫六十八人多躋顯仕而其後人繩繩相繼位宰執法從歷卿監佩守令之章者殆百餘人嗚呼何其盛哉非夫人有以契夫天地生生不息之心則其報施之厚未必若此之至也原夫人之心渾廓昭融不限封域視一城之生聚不啻如一家真有所謂仁者之量殃慶以類大易之旨也夫人之後其有不蕃昌者乎其有不絢著者乎昧者不知天之未定謂爲善無足倚是則天地生生之道絕矣夫奚可哉夫人二十世孫以遺

金華文徵

卷之十九

像贊

十五

練氏

像求予贊予既質諸傳記以序夫人之事而復贊之曰懿彼夫人生于七閩肉髮有倫靜毅而莊動循厥常女工之良笄而有歸建州之妻其德與齊建州桓桓旂旒緜緜以扼建關將固我城必集我兵移書以徵二校言旋何期之愆絕首以縣夫人曰吁乾坤創夷壯士勿誅逸之使奔遂爲唐臣建旌而軍爭城以攻火旗晝紅陷其四封二校有云使鬼爲人夫人之仁曷其報之曷橐我私曷授我旗旗植于家有突而譁我劍之加夫人曰於是城卒屠我生何爲有衆若林昔而斧礮今而謳吟夫人之亡其魄已藏其澤愈

滂傳紫襲龜霧滄雲滿被于今茲遺像儼然萬目斯  
瞻曷取則焉。

評 一婦人完一城之命古人幾人當是大菩薩  
現身

金華文徵 卷之十九

陳贊

十六

練氏



與良

情一被入我一城以命古人幾人當是大菩薩

與良

情一被入我一城以命古人幾人當是大菩薩

濱萍生贊

有序

明宋

濂

濱萍生者盱江廖應淮海學也抱負奇氣好研摩  
運世推移及方技諸家學年三十游杭上疏言丁  
大全謾國狀大全怒中以法配漢陽軍生荷校行  
歌出都門道傍觀者嘖嘖壯之抵漢江濱遇蜀道  
士柱可大揖曰子非廖應淮耶生愕然曰道士何  
自知之可大曰宇宙大虛一塵爾人生其間爲塵  
幾何是茫茫者尚了然心目間矧吾子耶然自邵  
堯夫以先天學授王豫天悅天悅死無所授同葬  
玉枕中未百年而吳曦叛逆發其冢得皇極經世

金華文徵

卷之十九

讚

十七

濱萍一

體要一篇內外觀象數十篇余賄盜得之今餘五  
十年數當授子吾侯子亦久矣乃言于上官脫其  
籍盡教以冢中書其筭繇聲音起生神鑒穎利可  
大指畫未到者生已先意逆悟可大自以爲不及  
學旣成去隱宣歙間過余安裕文陽將教之安裕  
勸生業中庸生瞠目厲聲曰俗儒幾辱吾康節于  
地下矣復去之杭客賀外史家史家畫市大衍數  
夜沽酒痛飲飲卽吐吐卽飲不醉如泥弗休醉中  
嘗大叫曰天非宋天地非宋地柰何柰何語聞賈  
似道遣客叩之生曰毋多言浙水西地髮白時是

其祥也似道未解復召至屏人與語生曰明公宜  
自愛不久宋鼎移矣似道惡其言掩耳走生亦徑  
出過曾淵子家索酒轟飲酒酣作嬰兒啼曰大屢  
將焚燕猶呢喃未已耶復賦歌以見意都人士聞  
之競指以爲恠民不與接獨太學生態賙聖猶時  
造其廬生私執熊手謂曰吾端居曾樓闌空中戎  
馬百萬來人鬼作哭泣聲壬申襄樊陷甲戌宮車  
晏駕乙亥長江飛渡似道亦殛死臨漳丙子三宮  
播遷諸王大臣皆南北亂走噓吸事耳子不去欲  
何爲居亡何宋事日非沿江州郡望風奔潰生大

金華文徵入卷之十九

讀

十八

洪澤三

慟曰殺氣又入閩廣中吾不知死所矣遂遁去其  
言無一不驗後四年病死處州學中年五十二無  
子唯一義女從之生宗堯夫先天之學頗自謂知  
易每見諸易師傳疏不問淺深輒誦駁以爲樂及  
論後天則尊羲畫爲經彖爻繫辭爲傳黜文言彖  
象二傳爲九師之言且謂說卦非聖筆不能作上  
下繫乃門人所述序卦直漢儒記爾蓋生聰明絕  
人未聞道而驟語數故其論經多失中然性使酒  
難近又好評人陰私人面頸發赤不顧罕有從其  
學者唯國子簿吳浚進士彭復樂師之浚不幸業

復屢受■斥不怨生將遁時召復至口發例手布  
籌雖平昔所靳若終身不■八者一舉授復復後  
又授鄱陽傳立云或曰生瀕死語女曰吾死後一  
月中■命山姓鳥名使者來徵吾及傳立立當過  
予門汝可出藏書示之立當以此致大官後皆如  
其言所謂山姓鳥名崔鵬飛也生所著書有玄玄  
集曆隨星野指南象喻統會聲譜畫前妙用數十  
萬言金猶間傳于世讚曰

龍圖成章有文從衡以濟以明以洩其藏以奠乎玄

黃昔我素王章編三絕隆緒微法誰其我綴我叅我

金華文徵／卷之十九／ 讚 十九 滇澤三

腴九師襄之我苞我晶百氏攘之如河之渾如曠而  
昏如治絲以琴天未降割一髮攸存維洛有士居于  
百原超神冲漢凝于畫先數往知來小大斯甄莫峻  
匪厓我涉其顛莫深匪淵我淪其泉簡材以畀非隱  
弗傳有冥者冢卒昭以宣或得其牖載神于言炎炎  
宋籙維其訖矣長里蝕柳色之赤矣青祥見微土髮  
亂矣朋昏以世莫之戚矣魚在在蓄尚其息矣維生  
之知中如沸羹彼僭弗知覆謂我狂我狂如何我憂  
孔多我山我河我用弗磨俾淪胥以訛我酒既嘉我  
瑟又蘇我寧不嘯歌北風其涼旂■央央我車麗麗

蕩蕩江流枕之如陸有腥其穢流血沃沃海氛方殷  
其何能日人有恒言風雨漂搖夏宇障之涉于大川  
杰徒楫之楫副宇橈子子焉依國武斯隆不知攸戒  
日隕弗升雖晝作夜鶉舞于林鬼瞰于舍孰投是艱  
魯莫之艾乃怒乃驚乃瞻乃行乃遯死于冥臚生之  
爲胡乃神以著徵之古聖匪程伊度何以言之卒淪  
于數一曲之掩不通其故易道旣泯數亦不類激贊  
于生發我長喟月出皎兮在天之心在天之心何古  
何今

評 宇宙奇人何所不有讀此當有格外之搜

金華文徵八卷之十九

讚

二十

演澤司

上人幻滅嚴持梵行欲求無上真如之道嘗自念  
言華嚴大經實中天調御第一時所說一乘頓教  
化爲尊勝欲蕪松爲煤入以香藥搗和成劑以書  
此經而彼松燥者假物所就具黑暗相有染白法  
欲煨永爲丹承以空露研潤如法以書此經而彼  
永丹者炫燿可觀能育人自非勲道者欲推赤金  
素銀蕪薄如紙復粉爲涯以書此經而彼金若銀  
雖曰重寶外塵爲體初不自內以是思惟身外諸  
物若勝若劣若非勝非劣若一若多若非一非多

金華文徵入卷之十九

讀

二一

華嚴

皆不足以稱此殊利繼我一身內而心膂肺肝外  
而毛髮膚爪資血以生資血以成資血以長資血  
以至壯老暨死是則諸血衆生甚愛如梵摩尼一  
滴之微莫肯捨者我今誓發弘願于世尊前以所  
難捨而作佛事從十指端刺出鮮丹盛于清淨器  
中養以溫火澄去白液取其真純蘸以霜毫志心  
繕寫蒲八十卷尊閣益壽禪居昔者樂法比丘當  
無物時欲聞佛語了不能得乃信婆羅門言以皮  
爲紙以骨爲華以血爲墨願書一偈况今百千妙  
領十萬正文不止于一縱捐軀命以報佛思無足

爲異于血何吝唯願法界有情或見或聞證入雜  
華藏海證入雜華藏海已卽得六根清淨得六根  
清淨已卽得自性清淨得自性清淨已卽得四天  
下微塵刹土中一切衆生皆悉清淨無相居士未  
出母胎母夢異僧手寫是經來謂母曰吾乃求明  
延壽友假一室以終此卷母夢覺已居士卽生今  
逢勝因頓憶前事于是親熅五分妙香香雲輪困  
結爲寶網編覆經上乃復合爪向佛散華作禮而  
稱贊曰

雜華淨智海九會之所說一音所演唱十處放光明

金華文徵入卷之十九

讚

二二

華嚴

信解行證門總攝無復餘如是具五周如是辨六相  
如是分十玄妙義皆克足以至四法界二十重華藏  
無邊香水海教條有差別性相于無礙圓融與行布  
非異亦非同一可爲無量無量亦爲一重重無有盡  
是爲功德聚如來最上乘龍宮所秘藏上人出身血  
嚴飭書此經于一滴中中普含十方界于一一界中  
普現光明臺于一一臺中普成獅子座于一一座中  
普見分身佛如上無數佛皆具大威德眉間白毫光  
編滿一切處共宣大乘法聞者應解脫譬如日月生  
照三千大千悉見種種色法能破暗故譬如大洋海

平乃如掌無丘陵堆阜法能平等故譬如陽春至大地  
盡發生諸根各萌芽法能霑溉故譬如梵志夢一  
夢千劫事不過剎那間法能融攝故譬如子憶母未  
見心已至形神皆兩忘法能無離故譬如黃金色金  
色不相分金亡卽色空法能不二故譬如石性堅初  
不從外得石性自圓滿法無修證故能如斯見解見  
經不見血若加精進力見佛不見經及至成道已見  
性不見佛我性如虛空了無能見者無見中有見全  
體卽呈露苟執于所見亦非我本性見見二俱泯此  
爲真見見真見復何有性本無物收一心歸命禮祇

金華文徵卷之十九

讚

二三

華嚴

夜以爲贊諸妙樓閣門彈指一時啓

評 此公深于法乘乃爾兼綜內外透了天人  
時安得有此鉅儒

震旦東洲。婺星分野之墟。昔有長者以宰官身。曾宅百揆。締構精藍。莊嚴妙相。前朝賜額云。覺報寺。世奉香火。燈燈相傳。宗派嗣續。今茲住持法名。心田。志心嚮道。棲心禪那。祈報祖恩。進脩無漏。持守律儀。冀證覺地。遇善知識。端居竹間。香雲輪囷。華蓋覆座。具大辯才。發廣長舌。舉最上乘。宜第一義。敷演詳說。豁達光明。曾照無際。了覺頓悟。無有蔽礙。是時竹間。被服儒行。口道儒言。或謂儒釋二途。未悉究竟。於是訪蓬萊道山居士。願申前說。廣揚字義。居士聞言。合掌讚

金華文徵卷之十九

讚

二四

心田

嘆善哉。竹間乃能為苾芻。指視真實。譬喻開悟。發明心田秘密。與旨用闡正法。不可思議。是宜讚揚。一一分別我觀大地。具有泥土。亦有沙石。沙石淨盡。泥水融合。是名為田。彼大田者。更有稊稗。加以耘耨。斯播嘉種。時有旱稿。滋之雨水。斯成嘉穀。得以粒食。凡民有饑資穀。為養功用。利濟以有田。故我觀世人。具有妙性。亦有根塵。根塵清淨。性空明體。是名真心。妙淨明心。客塵纏繫。遠離迥脫。斯具圓通。徵心辯見。破陰褻想。斯克圓果。得成正法。衆生迷昧。聞法得度。是諸法施。亦以心故。常住真心。是名心田。嘉穀既成。田土

常在。妙性真心。亦復如是。此卽佛說真常妙道。息心妙旨。我今宣露。作是念言。是亦枝蔓。言以載道。得道忘言。重爲說偈曰。

我聞一切法。悟入各有因。叅講設問答。亦各名號殊。百千萬億心。心心各有說。理趣歸一同。心性本無二。敷演真實義。猶如渡河筏。愛河廣迷津。顛倒苦沉溺。須假筏濟渡。以得到彼岸。安樂清淨界。畢竟筏當棄。佛子何因緣。名立心田號。名號亦虛假。說假其辭支。一一窮趣義。巨組縛虛空。觀空無所見。云何有住着。拈花微笑頃。一嘿機已悟。善哉竹間士。機動籟自鳴。

金華文微 卷之十九

讚

二五

漸次精進者。亦以問答故。我今重宣義。試問何者田。此田卽大地。又何名大田。以能生嘉穀。與地種各異。所種名雖別。資生同飽饑。亦因人力故。強名斯二者。如人具真心。又何名妙性。情性混一心。情離性空寂。以成菩提道。種種皆佛法。道法名則二。饜飯充足同。亦因精進力。強名曰道法。真心妙性名。二者等無異。心田假立名。名號總如是。今若作思惟。強欲真議擬。望道未之見。去道知愈遠。無性亦無心。無名復無說。是證真常道。當作如是觀。

評 明心見性無礙辯才

宋潛溪先生像贊

明許元

氣充以完。貌端而和。蓋其積于中者。日以益厚。故其  
發于外者。粹然而無頗。知方進而未已。撫年壽之尚  
多。寧勇謝乎簪裾。而終冥情于薜蘿。瞰潛溪之云。法  
仰高山之峨峨。每培高而浚深。曾遑恤乎其他。

評雅詞逸韻

金華文徵卷之十九

贊

二六

靈泉頌 并序

唐駱賓王

聞夫玄功幽贊。靈心以有德是親。至道冥符。篤行以通仁爲本。若乃天經地義。色養協于因心。夏清冬溫。愛敬弘于錫類。下逮六幽之奧。上洞三光之精。不有至誠。孰云斯感。有廣平宋思禮。字過庭。皇朝永州刺史。昉之嫡孫。戶部員外。順之長子。幼丁偏罰。早喪慈親。永懷鞠育之恩。長增思慕之痛。弱不好弄。長而能賢。趨庭聞詩禮之風。克宗勗曾閔之行。事後母徐。以至孝聞北。面典悲泣。高唐而咎已。東遊下位。歡微祿以逮親。調露二年。來佐百里。俯就微班之例。將申返

金華文徵入卷之十九

頌

二七

靈泉

哺之情。敬立身。其若斯于從政乎。何有時歲亢旱。金石行銷。遠近川源。殆將堙絕。濟井皆爲湯谷。通波盡汗池。大夫人在。遲暮之年。有溫勞之疾。非濫漿不可以適口。非源泉不可以蠲痼。色養旣虧。憂惶靡訴。俄而廳堦之下。忽清泉自生。因疏導其源。遂流注不竭。味甘若醴。氣涼如水。此邑城控剡溪。地連禹穴。基址多石。岡阜無津。爰自興建以來。曾微穿汲之利。非精神貫于有道。純志泱于無私。孰能洽冥。既以通幽。道靈泉而致養者也。昔漢臣忠烈。窮井飛于一言。姜嫄孝思。潛波移于七里。靜惟陳迹。彼亦何人。蕭縣尉柳

冕耿介之士也。道合則金蘭若膠漆，情異則軒冕猶塵泥。片善可嘉，朝聞其于夕死，一諾猶重黃金。賤于白圭，以爲執友；素交豈祿利，輕肥之謂也。賞音達禮，非鐘鼓玉帛之云乎？所恥者歿而無稱，所貴者存乎不朽。徒懷美志，未遇長材，某出贊荒隅，途經勝壤。三秋客恨，長懷宋玉之悲；一面交歡，暫雪桓譚之涕。觀斯水之清泚，感若人之精誠。見賢思齊，仰珪璋而有地；揮毫典頌，鏤琬琰之無慙。乃作頌曰：

粵若稽古厥初，生民其誰不孝。獨我難倫，義不存道，仁不遺親。愛敬盡力，孝弟通神。

金華文徵卷之十九

頌

二八

靈泉

顧我恩極，因心感至。冥契動天，甘泉湧地。冷冷無竭，蒸蒸不匱。曾是我思，永錫爾類。

爰有芳人，景行芳塵。事諧則感，道洽斯親。孝爲禮主，名是實賓。倘斯文之不墜，知盛德之有隣。

評 駱丞之文多詞勝于情，此却情勝乎辭。

延州來季子觀周樂頌

元吳萊

我之懷矣。惟我季札。來從勾吳。歷聘上國。王綱隳壞。侯度傾側。日尋干戈。不德以力。大音樞窳。二氣苛慝。禮樂不興。繫誰之則。我奉我幣。我車北東。懿彼諸姬。曰至魯邦。魯侯賓之。自郊徂宮。魯侯享之。式命瞽宗。首以二南。繼以國風。載雅載頌。商魯攸同。申以象箏。文德之容。亦有大武。允奏武功。淵乎蕩乎。泱泱泭泭。或秉以箏。或綴以崇。上際湯禹。虞舜之隆。曰濩曰夏。韶箏以終。嗚呼四代。一日備舉。參聲知政。閱覽博古。或登或降。踧踖偃僂。夫何自鄙。乃不及魯公。卑私疆。

金華文徵

卷之十九

頌

二十九

延州一

寢棄厥緒。或僭以僭。或雍或旅。襄磬武鼗。方叔之鼓。踰河蹈海。散亂無所。先王之盛。寃彼始基。噐之尚存。去道遠而仲尼有云。周公其衰。豈獨鄒子。學在四夷。邈矣千載。詩亡樂缺。設而不御。矇聵失列。日趨濡哇。恒用鳩啞。宣榭旣焚。本實先撥。我之懷矣。心焉孔怛。作此頌章。昭示來哲。

賦評 古色斑駁恍睹鼎彝

惟漢六世大展巡狩于南服自尋陽浮江而出親射  
蛟江中獲之猗與壯哉蓋夫荆陽之域水土墊溢滸  
蠃虵行風雨怒作掀臚蕩粹睽瞪懔愕莫之敢櫻上  
乃御黃間挾剛桂朱鞞闔體而騰擲白羽應弦以砰  
礪霜披鱗頰霧黻鬢鬣肉淵髓硤披角鬪耳于是海  
童闢路川后清宮神靈恪虔耄老懽怵信帝王之英  
畧天下之奇觀已人莫不曰齊臣驂擊呂梁雷轟楚  
士劍揮江水血變彼一材官直制其死命烏足以動  
萬乘也哉夫豈區宇寧謐四夷奔竄掩沙漠之貪鷲

金華文徵

卷之十九

頌

三十

漢武一

制篁竹之炎鬱強無有不弱堅無有不取拒之者如  
撓沸劇之者如拉朽將信威乎鞮譯又何獨快意于  
鱗介嗚呼材之尚氣之勁迹之悅遠之懾雲鳥之散  
沒魚鱉之顛顛殆有不必勞弓而挫鏑者臣乘臣朔  
臣助臣壽王躬親盛美獨闕歌頌千載之下默默不  
文予故特跡史氏之舊作是頌頌曰  
大漢之興兮世繼其烈言巡東南兮略彼揚越一江  
橫匯兮陂障險隘有蛟蠖起兮中路洄絕驚拿嶽攫  
兮渤涌作蠃上之顛怒兮發我獷厲起施猛發兮鬣  
角盡鉞九疑曉出兮矯立巖嶽舳艫暮拔兮波濤疊

雪上神且武兮瞻仰桓撥。功員不世兮威振有截。舟  
車所通兮職貢用戾。龍沙不揚兮瘴海枯竭。上飛無  
所逃兮下走無所脫。嗚呼漢之廣大兮古未之制。  
評 千竒萬恠洞目駭心

金華文徵

卷之十九

頌

三二

天命。皇上爲億兆生民。主旌麾所向。悉臣悉庭。初以軍旅之師。興濠泗間。遂撫淮南。平江東。攻浙東西。下之版圖。所入方數千定。都江左。發政施仁。戴白之叟。垂髫之童。涵泳至化。皞皞熙熙。如承平時。於時陳友諒據有江漢之地。僭居大號。賊殺其主。修蒙衝。虐驅烝黎。如蹈水火。不自度力。又集蜂蟻之衆。直窺豫章。三月不解。皇赫斯怒。乃召群臣於庭。而告之曰。陳虜不道。敢屢予侮。笞者蕩搖我邊方。侵軼我姑孰。伺偵我金陵。賴爾一二臣隣之力。攻而敗之。予亦親

金華文徵入卷之十九

頌

三一

平江

覆其穴。巢中宵竄走。假息武昌。予不忍追殲之。冀其悔禍。以自逭於天刑。癸卯之夏。乃復圍我豫章。是其凶惠無厭。自取殄滅。此天亾之時。天之明威。予不敢不順。唯爾熊羆之臣。不二心之士。尚弼予以成厥功。群臣曰。都于是。右丞臣達。叅知政事臣遇春。帳前親兵指揮使臣國勝。同知樞密院事臣永忠。臣通海。備厥戎器。簡厥師徒。以俟。七月癸酉。上躬擐甲胄。禡纛龍江。帥樓船數百。蔽江而上。陳虜大讐。解圍而逃。丁亥。與我師遇鄱陽湖之康郎山。戍子。上分舟師爲十二屯。命達遇春永忠突入虜陣。呼聲動天地。矢

鋒雨集砲聲雷鉤波濤起立飛火照耀百里之內水色盡赤焚溺灰者動一二萬流尸如蟻滿望無際已丑焚僞平章舟刈戮餘二千辛卯復酣戰虜將張定邊素號梟猛上親禦之將士皆死戰歷一二時遇春等左右夾擊殺士卒無算張中矢百餘退潛保鞋山不敢吐氣我師亦據湖口扼彼喉衿列柵南北江岸置火筏中流水陸嚴戒以候其發八月虜食盡遣舟五百艘掠糧都昌又爲我大將所獲壬戌虜旣窮冒死突出將上趨九江上命諸將一時俱合其

大戰如戊子自辰達酉督戰益急友諒中飛矢斃于金華文徵

卷之十九

頌

三三

平江

舟中癸亥降其衆五萬上命釋之不戮一人凱歌而旋舳艫相銜旌旗飛翻不疾不徐委蛇而來萬姓歡迎俯伏道左山川草木皆有喜色告廟飲至行賞論功賜遇春田若干永忠田若干其餘將士賚金緡有差臣稽在筭曹操治水軍八十萬來攻孫權而周瑜黃蓋敗之於赤壁符堅發長安戎六十餘萬騎二十七萬以侵晉而謝玄謝石乃敗之於淝水然赤壁不過一焚而走淝水亦不過軍亂而奔初未嘗大戰也而史臣其書之以爲千古美談矧今湖口之捷戰累明天地爲之晦冥日月爲之亡光山河爲之

濫其神功。駿烈炳耀。鏗鏘與天無極。較之二國未足多讓。而誦咏不作。非其闕典歟。臣謹備著其事。誤爲詞頌。一通以流鴻績于無窮。以俟太史氏之采錄云。其詞曰。

天眷有惠。實爲哲皇。肆其神略。以靖寇攘。義旄東指。罔敢弗恭。風烈虎嘯。雲游龍驤。長淮旣歸。江左攸屬。浙之東西。樹侯置牧。乃建國家。以奠南服。以懷中原。以控西蜀。蠢爾小醜。敢讐大邦。集其兇頑。鋒蝟斧螳。輕涉我疆。以跳以踉。亦旣翦刈。僇骸覆江。洵齊六軍。直傾其穴。釋而勿誅。俾自懲刷。闔胡不然。復豕而啞。金華文徵入卷之十九

頌

三四

平江

翹其蟲臂。當吾車轍。皇明震怒。歷告在廷。是決不悛。命將往征。爾選舟師。爾整甲兵。漕爾糗糧。各傾爾誠。搖光在中。夷則之月。禡牙江濱。皇乘巨鉞。以誓以戒。以速其發。紀律精明。颶火奮激。旛旄揚揚。舳舻將將。予戈洸洸。鎧冑明明。載怒載厲。載飛載颺。雄威所吞。已無荆湘。旣與虜逢。大行衝擊。藥騰藜駭。星流火戟。虐燄電轟。巨轟雷劈。殺氣冥蒙。不辨咫尺。矢鋒所貫。什伍聯聯。縱橫交紐。命隕弗顛。櫓楫。奏駟。箭束。蝟編。疏尸塞川。舟行弗前。虜魄旣禿。扶劍而逸。聚于湖粵。僅存喘息。我方植柵。江之南北。火筏在流。掩蔽

如翼。越歷四旬。飛走途窮。將冒萬歎。以絕其衝。我既見之。千鱸如龍。似兔之走。而鷹之從。酣戰六昔。由辰達酉。僕姑一發。殪此酋首。貫精及顛。仆才枯柳。大憝既除。餘不能醜。遞相告言。我誠不振。我革我頑。我歸至仁。誰謂培塿。可高嶙峋。再拜稽首。來降來臣。皇曰。俞哉。汝俘于受。宥汝弗劉。于汝父母。汝凍于衣。汝饑于哺。咎何昏迷。今始撤部。秦凱而旋。騎吹鬱搖。形於樂歌。節以鐳鏡。飲至于廟。頌賞于朝。帛堆其家。肉登其庖。都人聚觀。舉手加額。或嘆或謠。有聲嘖嘖。干戈相尋。匪一朝夕。自今昇平。可坐而筴。惟皇神武。

金華文徵卷之十九 頌 三五 平江四

動則克之。群策盡屈。四方式之。惟皇寬慈。降則釋之。義聲動盪。疇能敵之。惟皇明斷。遇事卽決。洞見千里。不隔一髮。所以四征。成此駿烈。小大畢朝。孰敢肆孽。在管赤堊。泊乎合淝。事以幸集。尚傳策書。况茲之功。俊偉赫熹。揆古無讓。可無詠詩。臣雖微賤。文字是職。對揚皇休。并獻臣臆。三代以還。用仁與國。皇宜遵行。永作民極。

評 善則歸君一篇俱是此意若侈稱將烈便失裁矣廊廟之文所以異于山林也

鳳陽府新鑄大鐘頌

明宋 濂

皇帝既正大統建都江表德綏威讐萬邦咸臣用羣  
臣奏臨濠爲龍飛之地賜名曰鳳陽南北民大和  
會百族錯居動十萬數然而物大而盛不假器齊一  
之無以嚴昏且之禁乃詔江陰侯吳良監鑄大鐘

以定衆志以裨治化侯之受詔遣使者至富春山  
中徵金工何成諭以天子明命卽日帥其屬十六  
人以從相地鳳陽城東三里搏泥成範畫其銑角衡  
之度侈弁爲良篆帶以方候其燥剛如穿一十又三  
鍊青赤銅六萬五千斤筮以洪武乙卯冬十一月己  
金華文徵入卷之十九 頌 三十一 鳳陽

已蒞事厥明侯具法服以牛一羊一豕一祝告先冶  
之神禮旣成橐籥咸典鼓動風氣炎光赫曦上貫霄  
漢絳液旣澄氣憤雲洩循寶而入肅肅有聲陽施陰  
凝勁質斯具越二日辛未乃發復取牲血塗其釁隙  
以厭除不祥鐘高十六尺有五寸厚六寸徑十尺有  
五寸圍三十四尺有奇混融其輪圓煒燁其容輝信  
技殫于人巧妙奪于神功者也于是營構層臺副以  
篔簹聚千夫之力鉅絙而登之一杵之撞隱隱闐闐  
雷旋電奔震撼太虛遐迹聞者靡不聳愕會濂扈從  
青宮幸鳳陽親觀盛美侯遂請濂爲之頌濂聞先王

之世金部有七。黃鐘乃樂之所自出。而景鐘又爲黃鐘之本。所謂景鐘大鐘也。其受至于九斛而止。律呂由是而應。陰陽由是而均。夫豈細故也哉。秦漢以來寢失古法。小鐘或數尺。大鐘或容千石。皆不本于律度。今我熙朝稽古右文。定于中制。宣導天地。孚洽神人。中和所致。嘉瑞畢協。增拓化原。亦于是乎有賴。非特嚴昏旦之禁而已。漁待臯國史以文辭爲職業。義當發揚蹈厲。以鳴國家之盛侯。之有請不敢固辭。頌曰。

維天穆清。鼓以雷霆。適昭天聲。百物以生。維帝濬

金華文徵卷之十九

頌

三七

鳳陽

喆。法天之烈。大鑪斯揭。元氣噴洩。睠于濠梁。真龍飛翔。乘陰御陽。洗濯八荒。神物攸起。是爲帝里。從者如雨。於焉萃止。物大而豐。往來憧憧。節之以鑪。罔敢弗恭。乃節鳧氏。乃具鑪錘。乃烹乃鬻。化金爲水。赤氣夜明。如日之昇。流亟而頽。八竇有聲。彬彬斐斐。功同神鬼。不鈕不銛。輪圓順軌。既啓其型。敢愛斯牲。塗豐禮成。榮光如星。千夫齊力。臺構懸植。交扛孔奭。載擊宅兮。困困。觸兮。貢貢。摩乾盪坤。以警昕昏。發攄靈氣。昭融品彙。物無疵癘。年穀攸遂。博碩而龐。聲與天通。拓美集祥。熏于家邦。惟皇建極。福之敷錫。制噐有赫。

式和民則。稽樂之原。鐘實爲先。律呂以宣。功垂不刊。小臣作頌。有美無諷。爰咨于衆。是傳是誦。

一 評 聲振闔鞞。體式珪璋。東壁西園。雍雍盛世之業。

金華文徵

卷之十九

頌

三八

鳳鳴



右 有 司 冠 帶 闔 鞞 斷 方 圭 鏡 東 塾 西 園 雍 雍 盛 世 之 業  
小 臣 作 頌 有 美 無 諷 爰 咨 于 衆 是 傳 是 誦  
左 味 只 順 聲 樂 大 照 嚴 實 爲 先 律 呂 以 宣 功 垂 不 刊





逃矣上古帝在有虞時巡於南曰至蒼梧有巉者石  
岌彼海隅我奏我詔耆定爾區或搏或拊武憂或擊  
從之則純成也以釋明哉惟人幽哉惟神我祖我考  
我臣我隣來汝之舞我功之叙勸汝之歌我政之和  
前瞻無前後顧無後出三代上居百王首孰強非羸  
式詛人心孰滯非鄭卒曠古音泠泠斯深漪漪斯廣  
魚龍不波鳳鳥焉往有巉者石雙闕之峨誰使洞庭  
不張咸池丘日盡善札云蔑加非帝之思我銘謂何  
評 誰敢作此非先生無此文胆

金華文徵 卷之十九

銘

四

惟 聖皇肇位四海仁孚德洽無遠弗届雖九夷八  
蠻僻在異域自古正朔所不及者莫不重譯來王稽  
首稱藩惟是兩廣溪峒諸獠怙恃其阻昏迷不恭以  
自外 天子之威命逞其悍驕肆厥殘雷以蜂蠆我  
南鄙之民乃爾自作弗靖于國之紀 皇用震怒命  
將出師問罪天兵所加若泰山壓卵無不碎者執訊  
獲醜不可勝計克蕪大懟式遏亂畧由是東而廉雷  
肇慶諸郡西而荔浦洛容之鄉妖氛醜穢迅掃無餘  
而嶺海清矣積年逋寇一旦削平巍巍成功無與爲  
比是不可以無紀也謹爲之銘曰

金華文徵

卷之十九

銘

四二

平廣

維彼蠻獠種類實繁椎髻夷面獸心鳥言槃瓠遺孽  
依山阻溪弗循王化是曰生黎與華雜處禮異俗殊  
性多獷戾惟利是趨喜則人屠怒則獸攻漢有尉佗  
宋有蠻儂文不能柔武不能威歷代患之畧事羈縻  
大明鄒天梯航竝至神化旁達聲教弘被五嶺之南  
百粵之域峒嵒山蛋悉歸版籍置吏設官因俗而治  
化生爲熟馴暴以義爰自近歲人牧不職撫綏失宜  
稔生孽隙肆茲羣醜蛇豕其心反面搏噬干戈相尋  
蜂屯蟻聚羊狼狠貪胥戕胥害毒痛海南 九重寶

仁未卽夷滅曠誅數載愈肆猖獗嗷嗷生靈詎堪荼  
毒頓騰弗去寧有嘉穀桓桓虎臣受命徂征赫赫業  
業揚播天聲旌旗耀日金鼓震天以遏寇攘以解倒  
懸彼昏不悛自速其亡翹厥螳臂車轍是當士氣橫  
飛于奮于殛散其部落火其營窟荔江之浦斷藤之  
峽鼠穴蟲窠一舉斯拔乃移洛容乃進陽江長驅直  
指天討用張西自鬱梧東而廉雷破竹其勢靡堅不  
摧覆巢之餘遺穀難全震霆之下掩救弗前百蠻膽  
破羣酋體分罔敵我師深谷其奔帝有恩言將無  
黷武凡厥有生皆吾赤子持杖爲寇釋杖爲民彼如

全華文徵卷之十九

銘

四三

平廣

效順亦與維新乃休吾兵乃緩其誅是致是附撫厥  
憊餘妖氛旣掃珉困以甦熙熙皇仁洽于海隅疇

昔南人鷄犬夜驚今茲安堵桴鼓不鳴疇昔嶺外商  
旅道壅今行于途摩肩接腫鹽包青箬飯裹綠荷趁  
墟歸峒以笑以歌山無瘴烟海無颶風變夷爲夏咸  
在陶鎔露布奏捷喜動天京于廟告功皇心  
載寧威加喬荒功光古昔小臣作詩永頌聖德

評

策勲紀伐昭布威靈足以震懾兇頑遐宣德  
化非與京觀哆武燕然誇庸者比

座右銘

明趙志臯

予讀大戴禮至武王鑑席戶牖諸銘未嘗不懔然  
深思云以彼執競而宏無競之烈猶日怵惕焉懼  
怠之乘也故無處而不載銘焉庶日顧諟以有儆  
心乎吾儕自省何似顧安得謬言心識而忘勸戒  
哉爰製一銘書之座右銘曰

乾開坤闢人叅爲三人貴伊何匪道胡耽日與月與  
迅如奔駛爾嬉而遊歲不爾俟相古詰士人紀人綱  
爾胡不足令彼獨芳萬古人心爾胡忘正不自身先  
其何能令忿懲在始欲望自源一星之火至于燎原

金華文徵卷之十九

銘

四四

無競爾智純白不備無騁爾辯多言逸志無暴人愷  
無先人長善弗人同爾亦何減寧我容人無人容我  
大儀吹萬于何不可心不可飾天不可欺禍福何常  
惟人自基謀臧惟遐不減惟近爾則誰憐胡不思齊  
評 端人厚德之言

金華文徵卷之二十

明 金華司李滇南馬龍阮元聲無聲甫

選評

金華令西蜀忠州高

倬雲章甫

金華學博浙鄞楊德周齊莊甫輯訂

弟子員戴應鰲編次

雜著

斲琴志

唐舒元興

寂寞間有至音注梧桐中越客沈虬子耳長水音常  
斧樹之良孫斲而琴之子客越見其方風斲取朴成  
輒叫索清濁應亦濁授授成輪圓濁沛雪落清聲酬

金華文徵卷之二十

雜著

一

答若寒玉透木噴出瓏璽及察投意之始放心虛無  
間猶掌握無毛倫他人見朴在亦下而沈氏成琴入  
眼中不知斲之數到邪琴之形化邪兩肩聳張若對  
古人雙池呀開若挹澄渟絕亦四顧得色上面旁眎  
或惜其所以爲沈生乃弦素絲七條其上備指一弄  
五聲叢鳴鳴中有靈峯橫空鳴泉出雲鳳龍騰凌鶴  
哀鳥啼松吟風悲子聆之初聞聲入身覺毛骨聳擢  
中見境在眼覺精爽冲動終然睹化源寥寥貫到心  
靈則百骸七竅仙仙而忘覺神立寥廓上洞見天地  
初氣駕肩太古闊視區外乃知不知音聲者終身爲

臃臃。嘻木纔滿數尺。絲不盈十條。古聖人欲其中含  
天音。天之如此。直乃叩之以觀。化本且絲木俱無情  
物也。固不能自鳴。是使歷代知其必鳴之稀。以至夔  
入罍下。枯折空山。而不聞者。非一也。今人明明以聲  
耳耳。且惑况槁木無朕。而責其必無惑耶。予於此見  
沈氏子之審音也。之運斲也。俱與神遇。懼異日斯琴  
流于人間。爲他者亂類。則沈氏之道。爲委土矣。故志  
之。

評 洪容齋極賞此文玩之真是妙理絕調

金華文徵 卷之二十

雜著

二

秦丞相斯變蒼頡籀文爲玉筋篆體尚太古謂古若無人當時議書者皆輸伏之故拔乎能成一家法式歷兩漢三國至隋氏更八姓無有出者嗚呼天意謂篆之道不可以終絕故受之以趙郡李氏子陽冰陽冰生皇唐開元天子時不聞外獎躬入篆室獨能隔一千年而與秦斯相見可謂能不孤天意矣當時得議書者亦皆輸伏之且謂之其格峻其力猛其功備光大於秦斯有倍矣此直見上天以字寶瑞吾唐矣不然何綿更姓字而寂寞無人某道不攻篆而識其

金華文徵入卷之二十

三

玉筋一

點畫常有意求秦丞相真跡會秦丞相去久聞其有八字刻在荆玉有洪碑樹嶂山巔今荆壁爲墜飛上天矣固不可得而見也洪碑留在人間往往有好事者躋巔得見其亦常問得去嶂山道路異日將裹足觀之未去間行長安會同里客有得陽冰真跡遺在六幅素上者遂請歸客堂張之見蟲蝕鳥步痕跡若屈鐵石陷入屋壁霜晝照著疑龍蛇駭解鮮甲活動皆欲飛去齊目眎之分明觀文字之根植我堂中然後知向之議者謂冰愈於斯吾雖未登嶂山觀此可以信其爲深於篆者之言也試以手拂拭其煙顏塵

容侵暴日久。撮芻坼裂玉筋。欲折予以褻。慢讓其主。主曰。此易致耳。豈當其如是。愛邪。予曰。今世人所以重秦斯之跡。非能盡辨別之。以其秦古矣。斯邈矣。向使秦斯與子比肩。子能貴之乎。曩吾尚欲苦辛登嶧山之巔。縮在子掌握中。今且猶不為子貴。子不過生於唐。而得與水同為唐人。吾知水歿二三十年。其蹤跡流於人間。固不甚少。得為子目數見。故易之若此。使水生於秦時。予又安得使造次而見遺塵耶。是子賤目也。世人皆然。嗟吁。水既卽世。是字寶入地矣。後人思孜孜求之。今且遭不知者。忽易想生筆下。日有

金華文徵入卷之二十

四

五節

新迹。固為門戶見覩之物矣。水雖欲求沽。售不獨棄為糞土。必遭其詆怒也。主聞之。其愧色見於顏眉間。欲卷而退。知其退也。必因循而不信。彊止留之。引筆書其志。行下以保明其為字寶也。不謬詞曰。斯去千年。水生唐時。水復去矣。後來者誰。後千年有人。誰能待之。後千年無人。篆止於斯。嗚呼。主人為吾寶之。

陳霆評曰。文亦蒼雅相稱。

而喜愛其體趨其文斑予愛其能息鼠竊近乎  
舍舍之初未爲某居時曾爲富家廩墉堵地面甚足  
鼠竅穴之口光滑日有鼠絡繹然某既居果遭其暴  
耗常白日爲羣雖敲拍叱嚇畧不畏忌或斃曳佻陰  
縮須臾復來日數十度其穿巾孔箱之患繼啓而有  
畫或出遊及歸其什器服物悉已被碎若夜時長留  
缸積晨與役夫更吻驅呵甚擾神抱有時或缸死蹙

金華文徵

卷之二十

雜著

五

卷理

交黑暗中又適其緣榻過面泊泊上下則不可奈何  
或知之借櫝以收拾衣服未頃則櫝又孔矣予深心  
悶當其意欲掘地誅剪始三三十日間未果頗患之  
若抱癢疾自獲此狸嘗闔關實竇縱於室中潛伺之  
見軒首引鼻似得鼠氣則凝蹲不動斯須果有鼠數  
十葦接尾而出狸忽躍起堅瞳迸金文毛磔班張爪  
呀牙割洩怒聲鼠黨帖服不敢竄狸遂搏擊或目抉  
牙截尾捎首擺瞬視聞羣鼠肝腦塗地迨夜始背缸  
潛窺室內洒然予以是益竇狸矣常自馴飼之到今  
僅半年矣狸不復殺鼠鼠不復出穴穴口有土鼠

封閉欲合嚮之韞積服物皆縱橫拋擲無所損壞噫  
微狸鼠不獨耗吾物亦將咬嚙吾身矣是以知吾得  
高枕坦卧絕瘡痛之憂皆斯狸之功異乎鼠本統乎  
陰蟲其用合晝伏夕動常怯怕人者也向之暴耗非  
有大膽壯力能凌侮於人以其人無禦之之力術故  
得恣橫若此今人之家苟非狸之用則紅墉皓壁固  
爲鼠室宅矣甘醲鮮肥又恣鼠口腹矣雖乏人智其  
奈之何嗚呼覆燾之間首圓足方竊盜聖人之教甚  
於鼠者有之矣若時不容端人則白日之下故得騁  
於陰私故築朝鼠多而關龍逢斬紂朝鼠多而王子  
比干剖魯國鼠多而仲尼去楚國鼠多而屈原沉以  
此推之明小人道長而不知用君子以正之猶向之  
鼠竊而不知用狸而止遏縱其暴橫則五行七曜亦  
必反常于天矣豈直流患于人間耶其因養狸而得  
其道故備錄始末貯諸篋內異日持論于在位之端  
正君子

評其持論諤諤

金文徵入卷之二十一

雜著

六

卷狸

剡谿上縣四五百里多古藤株栢逼土雖春入土脉  
他植發活獨古藤氣候不覺絕盡生意予以爲本乎  
地者春到必動此藤亦本於地方春且有死色遂問  
谿上人有道者云谿中多紙工刀斧斬伐無時擘剝  
皮肌以給其業噫藤雖植物者溫而榮寒而枯養而  
生殘而歿亦將似有命於天地間今爲紙工斬伐不  
得發生是天地氣力爲人中傷致一物疾癘之若此  
異日過數十百郡洎東維西雍歷見書文者皆以剡  
紙相夸予寤曩見剡藤之死職止由此此過固不在  
金華文徵卷之二十 文 七 悲剡

紙工且今九牧士人自專言能見文章戶牖者其數  
與麻竹相多聽其語其自安重皆不啻握驪龍珠雖  
苟有曉寤者其倫甚寡不勝衆者亦皆歛手無語勝  
衆者果自謂天之文章歸我遂輕傲聖人道使周南  
召南風骨折入於折揚皇華中言偃卜子夏文學陷  
入於淫靡放蕩中比肩握管動盈數千百人數千百  
人筆下動行數千萬言不知其爲謬誤日日以縱自  
然殘藤命易甚桑泉波波頽沓未見止息如此則綺  
文妄言輩誰非書剡紙者耶紙工嗜利曉夜斬藤以  
鬻之雖舉天下爲剡谿猶不足以給况一剡谿者耶

以此恐後之日不復有藤生於剗矣大抵人間費用  
可得著其理則不枉之道在則暴耗之過莫由橫及  
於物物之資人亦有其時時其斬伐不爲天闕予謂  
今之錯爲文者皆天闕剗谿藤之流也藤生有涯而  
錯爲文者無涯無涯之損物不直於剗藤而已予所  
以取剗藤以寄其悲

陳霆評曰寓感清潔

合垂文徵八卷之二十一

文

八

昔歲吾行吳江上得亭長所貽劔心知其不莽鹵匣  
藏愛重未曾褻視今年秋在秦無何發開見慘翳積  
蝕僅成死鐵意慙身將利器而使其不光明之若此  
常緘求淬磨之心於胸中數月後因過岐山下得片  
石如淥水色長不滿尺潤厚半之試以手磨理甚膩  
文甚密吾意其異石遂攜入城問于切磋工工以爲  
可爲砥吾遂取劔發之初數日浮埃薄落未見快意  
意工者相給復就問之工曰此石至細故不能速利  
堅鐵但積漸發之未一月當見真貌歸如其言果覩

金華文徵

卷之二十

雜著

九

貽諸

變化蒼慘剥落若青蛇退鱗光勁一水泳塗星斗持  
之切金錢三十枚皆無聲而斷愈始得之利數十百  
倍吾因嘆以爲金剛首五材及爲工人鑄爲器復得  
首出利物以剛質鋒利苟斲不砥礪尚與鐵無以異  
况質柔鋒鈍而又不能砥礪當化爲糞土耳又安得  
與死鐵倫齒邪以此益知人之生於代苟不病盲聾  
音啞則五常之性全性全則豺狼燕雀亦云異矣而  
或公然忘棄礪各砥行之道反用狂言放情爲事蒙  
蒙外埃積成垢惡日不覺寤以至于戕正性賊天理  
生前爲造化剩物歿復與灰土俱委此豈不爲辜負

日月之光景邪。吾嘗觀汝輩。起響爾誠全得天性。皆夙能承順嚴訓。皆解甘心服食。古聖人道知其必非彫黜道義。自埋于偷薄之倫者。然吾自干名在京。城。鬼魄已十九。曉矣。知爾輩懼旨。甘不繼。困于薪粟。日丐於他人之門。吾聞此益悲。此身使爾輩承順。供養至此。亦益憂爾輩爲窮窶。而斯須忘其節爲。苟得眩惑。爾容易徇於人。爲投刺牽役。而造次惰其業。日夜憶念心力全耗。且欲書此爲戒。又慮爾輩年未甚長。成不深。諭解今會。鄂騎歸去。遂寘石于書函中。乃筆用砥之功。以寓往意。欲爾輩定持剛質。晝夜浣礪。

金華文徵

卷之二十

雜著

十

附錄三

使塵埃不得間髮而入。爲吾守固窮之節。慎臨財之苟積。習隸之業。上不貽庭闈憂。次不貽手足病。下不貽心意媿。欲三者不貽。祇在爾。祇之而已。不關他。人若祇之否也。則嚮之所謂切金函星之用。又甚。瓊屑安足以諭之。然吾固欲爾輩常置砥于左右。造次顛沛。必於是思之。亦古人常弦銘座之義也。因書爲砥石命。以欲爾輩兼刻辭于其側。曰。甘不繼。困于薪粟。劍之鏑。砥之而光。人之名。砥之而揚。砥乎砥乎。爲吾之師。仲兮季兮。無墜吾命。幸。

評

法言凜然真常弦之佩

設淮陰先生說李孝逸辭

宋范浚

唐光宅元年柳州司馬李敬業等起兵江都檄數武  
后過惡復廬陵王天子位后遣左玉鈐衛大將軍梁  
郡公李孝逸將兵往擊之時淮陰先生屏居下鄉澤  
中間見曰僕非爲將軍乏前馬故來備指呼也竊不自  
陋願有謁也孝逸曰何以教之先生曰僕聞李敬業  
起兵維陽將軍以三十萬衆討之有諸乎孝逸曰有  
之先生曰師出無名事故不成聞敬業起兵矣未聞  
其何名也孝逸曰敬業開三府檄郡縣以復辟爲名

金華文徵

卷之二十

辭

十一

設淮一

先生曰然則將軍討之何也孝逸曰敬業刺員州以  
墨敗旣左授內鞅鞅缺望嘯羣失職盜弄虞陵庫兵  
實自稱亂名復辟耳天后赫怒鑄其先世官爵破丘  
墓削屬籍命孝逸討之先生曰敬業固亂人然將軍  
視敬業罪孰與天后多今武氏貫盈神誘厥衷以三  
十萬衆昇將軍是天奪之柄而授李氏使復唐亦武  
族也將軍不以此時亟返兵西問罪于僭臨朝者獨  
敬業是急僕愚以爲過矣且敬業心雖不然而名爲  
復辟將軍以國迺屬討之沮天下忠義心昔王莽篡  
漢翟文仲唱義東都劉宏以宗室家子將莽兵討義

僕嘗爲漢切齒于宏將軍不幸幾近之恐天下復有  
切齒如僕者矣。孝逸曰：如先生言，吾亦私念之。然吾  
衆非得素拊循者，人人心殊未可以口舌說也。今吾  
欲西脫一夫，悍然叫呼，不我從，則三十萬衆抗手旅  
拒吾事，敗矣。先生將奈何？先生曰：嘻！將軍過計甚矣。  
天后盜國，柄陰忍戾，刻殺人如刈管芥，母姊兄姪，魚  
肉殘之，包藏禍心，剪剝肺附者，老元舅身，誅族夷羣。  
臣凜然若兵在頸，天子始卽位，未有愆于厥身，后思  
肆其頷領，劫脅幽之，雖各立相王，實與因等。天下之  
人推心搯腕，抱憤侵骨，戴目傾耳，思得扶義者輔以  
興唐。若旱之望雨，故敬業等席入，怨謀起事，不旬日  
兵十餘萬，楚州司馬李崇福率所部應之。山東梁宋  
士被甲蒙胃，炊麥爲飴，以待敬業。此人心戴唐可見  
矣。况將軍親宗蕃，又擁見衆，勢足以圖國，苟因民欲  
建大義，誰不附和將軍？盍令于衆曰：武氏反，易天常  
繫辱至尊，芟薙天枝，斲喪王室，流毒海內。將與士大  
夫回旗內向，崇獎李氏，滅殺諸武，以成復辟功。若等  
尚克一心，其庸有濟？則大勲大賞，當與士大夫共之。  
如是而衆不從，兵不捷，諸武不誅，神器不正，天子不  
復。鄙僕請斷頭充腹，以謝將軍。僕雖至愚，亦安能以

不肖之身試嘗將軍事哉。孝逸曰先公言固善然敬業不可失如先生計姑後圖之先生曰不然智者不縱敵以自災勇者不肯時而失利觀事之會間不容穢行之有疑禍如發矢天后志革命欲南面而行其意非一日積也盍及其未作也而先之有如因敬業事遂易副褻襲旒袞剗剔唐號坐移鼎龜必且盡滅景元子孫而後懽將軍又手從族之不暇其及圖之乎且將軍不卽返兵又勦之討敬業是爲賊抗捕自刺刃其腹也將軍獨不聞漢灌嬰事乎昔諸呂擅權危漢齊哀王因之率兵向關以誅祿產爲名祿產遣灌嬰將而擊齊兵嬰至滎陽謀曰破齊還報此益呂氏資也乃留屯滎陽與齊連和以待呂氏變共誅之將軍必欲取敬業得無爲武氏資乎誠能幸聽僕計命緩頰士持尺檄諭敬業等告以逆順使受約束併兵鼓而西則灌嬰策也且祿產將南北軍時高后旣崩矣朱虛東牟與大臣等猶日夜圖之如坐燒屋之下今天后在世旣擅廢立事又廟其祖而王之武家羣兒挾后力日以抗扈謀危社稷勢踰祿產且十倍乃反翫而不戚竊爲將軍惑之孝逸自以天后遇已不能如淮陰言猥曰先生固云云豈以孝逸重圖武

氏者使孝逸受命于廟而逸賊于野無乃得罪于先帝神靈乎淮陰察孝逸終不入其語因摩切之曰僕以將軍爲忘先帝遂不念也若猶念之固善往先帝爲天后錯勒戚戚未嘗一日歡或仰屋切歎晚歲逾憤鬱至氣逆不能乘馬其誰之由將軍不念此而廢命是懼得罪先帝多矣何逸賊如之孝逸竟固謝曰先生姑休吾將思之淮陰遂不揖拂衣去曰是女子而髯其願者何足語天下計因咋其舌至血流襟曰我失吾言以自譴也旣而孝逸以兵殺敬業武承嗣忌之卒竄死而天后革命號周

金華文徵卷之二十

辭

十四

卷之二十

評 縱橫莫當

詩不云乎雜佩以贈之則佩者蓋古所以贈人而勉之以取法者也今仲舒之行亦旣無佩之可贈獨爲之說以告之何如舒曰是予之志也乃作而言曰仲舒其知是佩之說乎上俯而下承中銳而旁曲也上不俯則無以爲綴下下而不承則無以係上中不銳則不能以有擊旁不曲則不能以有受居乎上者珩居乎下者衝牙之與璜也珩言其俯衝牙與珩言其承也衝牙居中而銳璜居旁而能曲也合是三者所以具爲佩之制而爲君子之所法焉者也若夫資

金華文徵卷之二十

十五

以係上而中貫之者瑤資以綴下而旁貫之者瑀錯乎瑀瑀者珠聯乎瑀瑀與珠者綴一皆參居乎三者之間而非其要也非其要者謂不爲君子之所取法也必君子之所取法而後可則雖有環以召之有珞以絕之有金以寒之有象以文之有觶以示其事有鱗以表其用有常以戒其性之急有弦以警其志之緩亦皆不足以言佩也是蓋超居乎三者之外而非其類也非其要而猶待是以成佩者以其能安是佩于君子也非其類而猶冒之以爲佩者以其能存是佩于君子也然所以得爲佩之正而爲君子之所取

法者則惟三者爲然也。三者之所以能然者亦在乎上俯而下承中銳而旁曲也。今仲舒與其兄仲幾弟仲潛三人者懷玉而遠遊抱噐而效用太師大丞相見而奇之因館置府下十餘載其所以貴重之者往往有異于他士後雖薦達之以有祿位于朝庭然亦不使遠遠乎左右蓋凡治已治人之道恒欲資之而有助焉則夫三人之見取於大丞相者豈不猶斯佩之見取于君子乎夫三人者誠能俯乎其民若珩之有綴承于其君若璜與衡牙之有係銳以去惡若衡牙之有擊曲以納善若璜之有受吾見其示法于君子也其亦異乎琺瑯珠綬者矣其亦異乎環珞金象觿黼常弦者矣雖然珩也璜也衡牙也非生而有之也必待君子者而爲之制然後俯焉而俯承焉而承銳焉而銳曲焉而曲以克成乎其爲佩也然則三人之不愧于斯佩者豈非由我大丞相有以玉成之乎而三人者其尚益守乃職以無負于大丞相可也三人與良皆友善而仲舒爲尤厚今仲舒以三年之喪畢奉大丞相之命還京良蓋望其有以見法于君子也故於其行爲之說佩以贈

趙君彥嘉畏慎自牧爰作齋居大書揭諸座右茲豈  
曰用朝夕觀省其亦將訓迪于後之人予庸作訓曰  
我聞戰戰兢兢若涉春冰若履虎尾時曰畏又聞洞  
洞屬屬若執玉若奉盈時曰慎心非畏害制事非慎  
害應惟畏惟慎時乃要道肆君子不敢不率嗚呼惟  
心之動若火之炎若川之決若馬之逸君子宅心若  
探火用畏爲冰若防川用畏爲土若御馬用畏爲勒  
肆厥心罔有弗存惟事之至若絲之棼若輻之輳若  
蔓之滋君子泄事若治絲用慎爲擲若運輻用慎爲  
較若除蔓用慎爲斤肆厥事罔有弗濟相古先民有  
若堯有若舜有若大禹有若成湯有若文王武王有  
若周公孔子旣克聖亦罔匪惟畏慎之行有若丹朱  
有若商均有若絲有若桀有若紂有若幽厲不克聖  
亦罔匪不惟畏慎之行嗚呼豈惟聖狂攸在迪畏慎  
與不迪畏慎諸侯克保厥邦大夫克守厥家士克存  
厥位庶人克存厥身亦惟克畏克慎不畏慎不慎  
未有不亡厥邦喪厥家失厥位凶于厥身嗚呼凡人  
畏厥畏慎厥慎亦罔不能雖無攸畏亦克用畏汝曰  
盡慎亦克用慎茲惟鮮能哉必所其畏慎其乃無畏

否則終入于畏雖慎可及嗚呼予以聞先正之格言  
咸告爾矣爾其夙夜畏哉慎哉爾尚無畏畏哉爾曷  
不畏亦畏哉爾尚無慎慎哉爾曷雖慎亦慎哉爾乃  
克存乃心爾乃克齊乃事爾亦則惟克由聖哉茲不  
啻不凶于廼身爾如有位有家有邦尚亦永保哉嗚  
呼勗哉

評 丁寧語故詞氣爾爾所繇文章貴辯體也

金華文徵卷之二十

雜著

十八



空同子贅說

明蘇伯衡

楚王入於雲澤若虎兇若雌攫若鹿豕若鴻鴈若鳩  
 鷓若鴉鶻若鸛鷓見王無不恂然決起翔者奮飛走  
 者遐竄高者入雲霄下者伏灌莽有錦鷄焉方吐其  
 綬而王適至收綬而後作王見其綬五彩競明悅焉  
 左右關弓再欲射之王再止之命虞人曰其生致之  
 虞人得之已乃縱獵者凡鳥獸之屬或殪於鷹犬或  
 隕於鋒刃或傷於網羅而鷄獨免焉明日王謂宋玉  
 曰之鷄也得全其生以綬見樊於籠亦以綬然則士  
 將奚處宋玉對曰此鷄有綬藉使深藏矯乎其飛冥  
 冥大王何見焉彼虞人且烏乎取哉故其無逃於樊  
 籠之間非綬實爲之吐則使之也嗟乎士無以才自  
 炫哉

評此篇可矜叔夜諸公有才不可炫况無才而

爲車上儻者乎

金華文徵八卷之二十一

十九

空同一

楚王入於雲澤若虎兇若雌攫若鹿豕若鴻鴈若鳩  
 鷓若鴉鶻若鸛鷓見王無不恂然決起翔者奮飛走  
 者遐竄高者入雲霄下者伏灌莽有錦鷄焉方吐其  
 綬而王適至收綬而後作王見其綬五彩競明悅焉  
 左右關弓再欲射之王再止之命虞人曰其生致之  
 虞人得之已乃縱獵者凡鳥獸之屬或殪於鷹犬或  
 隕於鋒刃或傷於網羅而鷄獨免焉明日王謂宋玉  
 曰之鷄也得全其生以綬見樊於籠亦以綬然則士  
 將奚處宋玉對曰此鷄有綬藉使深藏矯乎其飛冥  
 冥大王何見焉彼虞人且烏乎取哉故其無逃於樊  
 籠之間非綬實爲之吐則使之也嗟乎士無以才自  
 炫哉

空同子贅說

明蘇伯衡

空同子過北邙山見叢塚焉喟然而嘆曰人乎人乎其王侯將相乎其巨家富子乎其百工技藝乎其俠客釋氏乎其黜僧乎其毗隸乎其操瓢者乎其人奴之類乎其鹵簿鼓吹前挽後擁而歸之斯乎其束縛而遺之斯乎其礎而埋之斯乎其始將銅泉而天文地理之畢具乎將便房徼道門闕罽毼之極其壯麗乎將祕器臣妾之備置乎將穿不及泉而立壟之無處乎將不封而不樹乎其中將珠襦玉匣黃題奏乎將相木爲棺葛藟爲緘乎將厚衣以薪乎將僂

金華

徵卷之二十一

二十一

警說一

而反其真乎嗚呼噫嘻蓋皆不可知矣况乎其主名邑里可得而稽乎但見華表摧折穹碑剝落土花磷磷牛羊礪角可悲也夫牧豎縱橫汎掃不至漆燈已滅陰燐昭晰可悲也夫蒿萊沒垣麒麟歎側翁仲無言白日自沒可悲也夫衰草離離露冷風淒凶象出沒狐狸嘯啼可悲也夫言未卒傍有樵者曰唉又何足悲哉人齡踰百如電之流如駒之馳方其生存或窮或達或盛或衰而貴者賤者尊者卑者富者貧者智者愚者雖歡欣得失用舍天壽叅差不齊及大期之奄及倏長逝而莫追計如桑孔辯如秦儀雄如項

精巧如工僂腰懸章綬手執璧圭布視錦綉塊玕珠  
璣雖欲不同爲螻蟻之歸得乎。唉歲月荏苒寒暑推  
移則其骨毛齒爪亦將漸盡而塵飛頽然獨存者第  
敗塚之纍纍而已。而四五世後不復能守則丘壠瑩  
域又將何耕而我犁蒼然如故者特空山之巍巍而  
已。而此理勢之必然從振古其如茲。夫子何乃不能  
忘情爲之佇立而歎歎也。雖然萬物之間衆人之中  
維賢維哲立德立功坤翁乾張躡地極穹有生有死  
雖衆攸同其莫竟靈氣則不隨草木而腐壞其令聞  
廣譽則長竝天地以無窮苟能如是則善矣尚何彼

之悲爲。唉宇宙有不朽而不務之。方蠅營徂詠舞  
用機競浮榮於旦暮較強弱於鎔銖俯有拾仰有取  
爭勢利計崇卑將其肉未寒而名已泯何舉世之沒  
沒蚩蚩也空同子曰善哉去其徒羨脫其放羈放乎  
山林絃琴誦詩進德修業惟恐後時

評 人壽幾何令名無窮讀此可無灑中山之涕  
矣

士爲以晉獻公患桓莊之族。偪謀去羣公子。乃與羣公子謀。使富子其一公子謂羣公子曰。不可。詐慝鬼蜮。何可信也。宗族骨肉。何可疏也。信鬼蜮。不智。疏骨肉。不仁。仁智不足。禍患將至。杖柱之風。角弓之推。乃所知也。不假瀆告。敢以細事聞於左右。曲沃之與有神叢叢大木也。焉與女蘿附焉。神患焉。蘿之滋蔓也。欲去之。乃謂焉。蘿。古人有言曰。大木之下。無美草。傷於陰之多也。今木榦且數圍。而爾之蔓不滿寸。則其枝葉實爾蔽也。焉與蘿實自見其蔓不如木之碩。

金華文徵入卷

說

二二

也。疾之見夢於里人曰。佯非神之爲。惟木之惟。里人遂伐木。木之旣伐。焉蘿莫傳。是以亦瘁。富子者大木也。吾儕者焉蘿也。豈可去哉。富子苟去。我亦何所利焉。羣公子不聽。遂譖富子而去之。士焉。又與之謀。使殺游氏之二子。其一公子又曰。不可。人之爲寢。其中列楹。其四阿復列楹。以相夾輔也。撼其一楹。棟必撓。去其一楹。寢必隙。如是寢之所恃。固在楹之衆矣。我之有族。猶人之有寢也。而吾與游氏楹之謂也。昔者之譖富子一楹去矣。去其一也。且懼壓焉。况可再乎。而又欲殺二子。將吾族之不支。豈惟二子而不收。

圖可乎。羣公子不聽。遂殺二子。既士。蔞使使盡殺游氏之族。其一公子又曰。不可耳。目手足之於身一體也。目視耳聽。患生故能。知手捍足防難。至故能備。此身之所由全也。若四者亡焉。語所謂絕物也。何能爲哉。身之全者鮮矣。今譬之一體游氏之族在吾族。吾族之手足耳目也。富子之去而吾手亡矣。二子之殺而吾足亡矣。今又欲合其族而盡殺之。是并吾耳目亡矣。游族亡。吾族必從之。盍釋之以圖存乎。不然。悔無及矣。羣公子不聽。遂盡殺游氏之族。士蔞乃城聚而處。羣公子獻果圍聚。盡殺羣公子。君子曰。強宗翰同姓城也。其可自壞之乎。故曰。大宗維翰。又曰。宗子維城。又曰。無俾城壞。無獨斯畏。羣公子縱不是私一人托物而致意三焉。言切而利害昭矣。亦易悟也哉。而終不聽。以及於難。羣公子所謂取譬不遠。昊天不惑。回適其德。俾民大棘者矣。此計所以爲事之本。聽所以爲存亡之機。而貴乎哲也。詩曰。其惟哲人。告之話言。維德之行。

評 三段指喻明切。真千古烟鑑。

尉遲楚好爲文。謁空同子曰：敢問文有體乎？曰：何體之有？易有似詩者，詩有似書者，書有似禮者，何體之有？有法乎？曰：初何法？典謨訓誥國風雅頌，初何法？難乎？易乎？曰：吾將言其難也。則古詩三百篇，多出于小夫婦人。吾將言其易也，則成一家言者，一代不數人。宜繁宜簡，曰不在繁，不在簡，狀情寫物，在辭達。辭達則二三言而非不足，辭未達則千百言而非有餘。宜何如？曰：如江湖何也？曰：有本也。如鍵之於管，如樞之於戶，如將之於三軍，如腰領之手衣裳，何也？曰：有統。

攝也。如置陳如構居第，如建國都，何也？曰：謹布置也。如草木焉，根而幹，幹而枝，枝而葉，而葩，何也？曰：條理精暢而皆有附麗也。如手足之十二脈焉，各有起有出，有循有注，有會何也？曰：支分派別而榮衛流通也。如天地焉，包涵六合而不見端倪，何也？曰：氣象沉鬱也。如漲海焉，波濤湧而魚龍張，何也？而浩汗詭恠也。如日月焉，朝夕見而令人喜，何也？曰：光景常新也。如烟霧舒而雲霞布，何也？曰：動蕩而變化馬如風霆流而雨雹集，何也？曰：神聚而冥會也。如重林如遠谷，何也？曰：深遠也。如秋空如寒水，何也？曰：潔淨也。如太羹。

如玄酒何也。曰雋永也。如瀨之旋如馬之奔何也。曰回。複馳騁也。如羊腸如鳥道何也。曰縈迂。曲折也。如孫吳之兵何也。曰竒正相生也。如常山之蛇何也。曰首尾相應也。如父師之臨子弟如孝子仁人之處親側如元夫碩士端冕而立乎宗廟朝廷何也。曰端嚴也。溫雅也。正大也。如楚莊王之怒如杞良妻之泣如昆陽城之戰如公孫大娘之舞劍何也。曰激切也。雄壯也。頓挫也。如菽粟如布帛如精金如美玉如山水芙蓉何也。曰有補于世也不假磨礪雕琢也。將烏乎以及此也。曰易詩書二禮春秋所載丘明高赤所傳。

孟荀莊老之徒所著。朝焉夕焉。諷焉味焉。習焉斯得之矣。雖然非力之可爲也。聖賢道德之光積于中而發乎外。故其言不文而文。譬猶天地之化。雨露之潤物之魂魄。以生華蔓。毛羽極人力所不能爲。孰非自然哉。故學于聖人之道。則聖人之言莫之致而致之矣。學於聖人之言。非惟不得其道。并其所謂言亦且不能至矣。尉遲楚出以語公乘丘曰。楚之於文也。其猶在山徑之間歟。微空同子導吾出也。吾不知大道之恢恢。於是盡心焉。將於文備焉。無難能者矣。

余至高溪之七日有虎夜踰某子甲垣攫其豕豕啾然作聲甲意穿窬也亟舉火燭之不見豕而見虎迹焉黎明與二弟俱躡虎迹覓豕行至黃土隴見兩虎叢薄中呼曰虎在此虎在此鄉黨隣里幸與我共殺之不者不惟吾豕被其攫諸公家之豕亦恐不免不惟豕不免害且恐及人於是環高溪一聚壯者操刃與挺弱者聲銅鐵器往助甲虎見衆前且行且咆哮作聲威翼以懼衆衆不威懼益鼓噪環之虎乃躍而起甲之長弟遽揮挺摘虎虎怒爪之其右股被創甲

金季六徽入志

雜著

二六

志殺一

之幼弟奮戈刺之自啣貫脇一虎隨斃其一猶咆哮作噬人狀然聲戰慄僅若牛鳴衆知無能爲也直前刺之於是兩虎俱斃剖其腹豕固在也虎於毛蟲中最暴戾人聞談虎且猶膽掉畏之而况敢攫之乎使其據深山大谷雖日攫麋鹿雉兔以自肥孰得而斃之哉顧恃其暴戾縱逐逐之欲入墟市攫人畜而弗忌得一豕竟殞其命悲夫世之人自謂威權足賴而貪欲無顧忌者其亦所知鑒也平方甲有覓豕惟二弟從率先衆人刺虎亦惟二弟詩言外禦其侮必兄弟豈不信矣哉甲喪其豕旣而斃兩虎誠若快意者

然爲酒食以勞鄉黨隣里費亦夥矣一弟又幾不  
于虎口持虎皮上送官人莫不謂其得厚賞以其皮  
之傷也牽于吏議迄弗之賞然則齒死力捐家貴以  
除暴虐者上功幙府而欲文法吏無吹毛求疵而欲  
沾賞典矧可得乎矧可得乎

評 感慨有餘情

金

後入卷之二

雜著

二七

志



精

賞典

...

...

...

...

華容孝廉與廣平文學遇于神明之臺孝廉問曰子  
縉子交已越二紀其貌固狎其志則未之聞也子能  
爲我揚推古今而釋之乎文學曰走也不敏長自巖  
穴鶴毳編襦土芝溫食動趾踉蹌發辭譏吃忽挾細  
縹去歷都邑見者大噱指爲木刻錯愕周章無地寄  
迹獨孝庶煖我以溫顏前我以重席迺我以三古之  
芳猷期我以九能之至域拜孝庶之貺厚矣孝庶有  
問敢對以臆寓形霄壤不翅蟻螻時幻歲遷電滅烏  
空唯極所適其樂則鴻出游大澤才騫氣雄鼻尖出

金華文徵

卷之二十

雜著

二八

志釋

火耳後生風金張前驅許史後從牽黃臂蒼猿矢韻  
弓仰落雙鵬俯益長熊毛血旁灑塵坳封入據濠  
館廷實惟供壘尊旁午豆俎衡從肉腴含春耐暈移  
童器周八音律合六同部分立坐筵布西東綠華白  
台南威紫衝壓輔寄牙環質姣容歌喉撼塵舞袖翩  
龍其有事固日新而弗足也竊有志焉孝廉能許之  
乎孝庶曰欲敗度縱敗禮古人所戒子豈宜蹈之願  
聞其他文學曰班生授毫令名煌耀終童請纓其齒  
甚少不有焜焜孰潛其燭非勒銘于燕然必建標于  
粵徼軒冕以之蟬聯紳笏以之媵嫫衛霍擁軫樊樊陳

公子掃門。王孫媚龜。霜露係乎吹噓。子奪視其  
情笑。其銳也。若孟勞之出曾橈。其重也。如天球之鎮  
周廟。天下學士。揮汗爲雨。聯袂成帷。莫不仰遺光而  
企未照。其視處環堵。厄藜藿。擊壺而越吟。倚柱而吳  
嘯。卑卑南陽之畊。落落滋泉之釣。口心共語。影形相  
吊。不亦大有徑庭乎。孝廉曰。功高者身危。位隆者名  
喪。此衆人之所嗜。而君子之所慎也。文學曰。神封靈  
壤。作鎮下方。會稽衡華。沂岱嶽常。霍及鑿閭。分布九  
疆。總三條于中區。限兩戒于外邦。他若滄漲蕩浮。青  
瀚混茫。包天裹地。循環相通。湯其間怪偉。靡可數詳。

金華文徵

卷七

雜著

二九

志釋

天孫岳長。水伯瀆宗。莊叶昂宿寶符之貴。玄龜青鯉之  
章。金篋玉策之探。日月珪璧之藏。或隱而晦。或露而  
彰。走將簡徒。御戒樓航。濯足于咸池。晞髮于溥桑。豁  
氛埃于人報。發忠信于天光。蒼水之使。稷丘之君。庶  
一問之勺。禹湖而想遺弓。履河洛而思聖勳也。孝廉  
曰。山川形勝。固足以廓子耳目。昌子文辭。然非至焉。  
子毋徒取。則於太史遷也。更請大之文學曰。去聖逾  
遠。學術紛披。控名責實。禮度是師。上下有叙。隆殺異  
宜。苛察繳繞。弗失絲釐。貴儉兼愛。上賢右鬼。採椽不  
斲。型墓唯土。嗇然自守。與孔齊軌。權事制宜。詭行道

辭。稜陰轉陽。入神出奇。變化闔闢。千目莫窺。秉要  
本立。爲經制法。無常形事。無成勢洞。究羣情。爲萬物  
主。儀節或愆。峻形弼之。肅如晨霜。犯者裂肌。仲鞅  
到。挾之以馳。因彼天時。以施教令。若儀若象。測度以  
定。紀綱載明。是謂大順。食天所寓。邦本所資。山澤平  
地。相厥攸宜。八政之首。著于經彙。揣摩國紀。宣明帝  
治。或合或兼。本未畢具。凡有猷爲。罔越憲制。若是喧  
歷。泣焱訊雷。震撼乎四極。充斥乎九垓。颯颯乎海水  
起立。而應龍天飛也。戔戔乎五兵雖陳。而神授握機  
也。芒芒乎曠野萬里。而列井布棊也。是欲徧索其說

金華文徵

卷之二

雜著

三十

志釋三

而試之不識可乎。孝廉曰。夫子沒而微言絕。諸子百  
氏人人殊。未有能一之者也。文學曰。戡定惟武。亦國  
之程。其書漫衍。四類是繩。陰陽權謀。伎巧勢形。其目  
眈列。繡繡續續。九宮八門。六甲五神。軍軌兵鈴。星式  
雷經。金雞玉狗。風角鳥情。制器尚精。動合神機。冑鎧  
羅陳。戈戟交施。渠答距堙。鶩冥扶胥。象車雀杵。行馬  
飛鳧。武衡大櫓。驩耳長笈。雲火萬炬。渾脫全軀。策全  
器良。其用益張。營察六形。旂按五方。天地定位。風雲  
流行。龍虎騰越。鳥蛇翼驤。正正奇奇。巍巍堂堂。赫赫  
施施。稜稜璜璜。以守則固。以擊則揚。或追并于函谷。

或喋血于太行或狗地于臨菑或陷堅于昆陽是亦  
英雄之壯觀也。走竊樂之不如飢渴之在已也。孝廉  
曰兵者不祥之器。聖人不得已而用之。子服儒衣談  
儒書。又焉用爾爲。文學曰粵厥軒轅。游心太初。上超  
鴻沆。下入渺瀰。有竊其餘。亦神其軀。文賓屢生。師皇  
馬鑿。玉柱丹砂。騎鳴龍師。木羊葛由。神泉鹿皮。折足  
山圖。赭衣服間。女凡素書。赤斧碧鷄。朱璜痕脫。玄俗  
質虛。心存冲寥。跡入侷奇。五性旣絕。九患亦除。三階  
有嚴。七變無虧。身升紫宮。位絕琳書。陰隆伏骨。目炯  
四規。執東象之玉文。契九赤之班符。御躋虛之龍轡。

金華文徵入卷之二

雜著

三一

志醫

服太極之麟芝。入火不焚。入水不濡。入石不闕。入木  
不拘。雲卧天行。神潛靈飛。是蓋與天爲徒。又不特致  
治于無爲也。當闢我石室。寢我世機。服我胎息。殺我  
蟲尸。洗伐我毛髓。銷解我膚肌。覩銅狄而摩挲。約令  
威而來歸。不知能成其志否乎。孝廉曰。聖人不師仙。  
使其可爲。則周孔爲之矣。文學曰。荒荒遺文。或僞或  
真。學徒巧辯。或正或叔。先出者堙。後出者存。何老生  
怨尤而異師。是嗔藏之名山。編簡乃完。何傳授有緒  
而魚魯或殘。汲冢一啓。蟲書再覩。何怪言放紛而弗  
齊于古。緯侯相傳。內學是尊。何列國寶書而盡閱其

文。借辭竊義。聾俗簧世。日新月巧。動莫之制。衡錯難  
瑩。方州部家。何立言艱深而莫究。津涯始生。終通生  
育及資。何其象不一而數。皆九爲原。熒草冢。各性氣  
體。何圖指倮姝而重摹。迭儼觸類而言。何莫非此。沾  
沾動喙。徒見其鄙。走將鈞其麗鴻。掠其纖微。懸空明  
之金鑑。俾無遁於妍媸。能若是。是亦足矣。孝廉曰。此  
竈近之。然滯于傳。註童習白紛。若華蟬死生其間。亦  
奚益哉。文學曰。孟軻氏歿。世乏真儒。師師萌庶。俚俚  
奚歸。孰廓我矇。孰砭我愚。羣言孔多。契真者誰。欲操  
腐艦。以泛其區。欲絡盲象。以駕鼓車。縱有智巧。寧不

金華文徵入卷之

雜著

三二

志釋五

殆而嗚呼噫噓。一何寥乎。九聖之神。於昭於天。九聖  
之心。存之於文。又何昭乎。嗚呼噫噓。資施盈室。何有  
芳蓀。繁星爛霄。孰知朝暾。寧不使我怡怡而慳慳乎。  
帝降民衷。德與天一。胡不自貴。葩藻是溺。顛倒首足。  
淆混白黑。棄其瓚槃。寶厥瓦鬲。拊膺自傷。淚血交積。  
誓副宿穢。以刻未習。駕春陵以爲舟。鼓關洛而爲櫂。  
張武夷以爲颿。期洙泗之可涉。夙興夜寐。惶惶業業。  
凜然如上帝之在目。睫若是何如。孝廉曰。此僕素昔  
之所究心者也。幸與子同之。於是執手降臺。相視而  
笑。笑已繼之以歌曰。真儒不生。世陰陰兮。擗植索塗。

愈幽深兮。烟其靈根。無古今兮。超彼九玄。離濁氛兮。  
攀淵追鷲。築赤麟兮。文之典喪。負以身兮。任重道遠。  
何時而止兮。朝斯夕斯。相期于歿齒乎。  
評 披華振秀。爛然七袞之杆。

金華文徵

卷之二十一

雜著

三三

志

維禹治水三至桐柏山驚風迅雷石號山鳴五伯擁  
川天老肅兵雄于持旄龍鴻勅軒闕不能與禹乃震  
怒召集百靈蒐命夔龍桐柏于君稽首請命罔不惟  
寅神令所射激如櫂槍乃縻鴻蒙乃囚章商乃繫兜  
盧皇威載揚犁婁卒劉勢不敢爭彼無支祈力踰九  
象叶厥形肖暖日有電光量淮度江辦捷從衡授之  
童律童律莫當授之烏木田木田遂臧授之庚辰庚  
辰扼其亢絡以鐵繩譬如犬羊繫諸淮陰龜山之旁  
木魁水精洞妖石祥奔號萬數若有喪亡淮流湯湯  
入海既平民用靖康直達外方至于陪尾無壅弗通  
率惟厥常以昭于無疆

金華文徵入卷之一

著

三四

刪古

世傳元和九年李公佐游洞庭登包山與隱者周  
焦君探林屋洞得古嶽瀆經第八卷今觀其文雖  
奇而未醇竊卽公佐焦君所造以琬世者戲刪潤  
其辭集古鼎文寫之以寄吳君濬仲濬仲蓋深于  
古學者也鑄窳器與方乳曲文大扁爭妍其自知  
不可哉丙申冬十一月瀟志

評 蝌蚪之文

惟我先母之亾年止五十先君之亾則六十有七痛念生死先後靡常而其平居笑語皆與俱化有不可得而見然于心之所觸終有未遽泯者每有所感輒凄然淚下至于仰天慟哭者有之故於先君之行先母之德既請當世立言君子著於銘文其儉勤可以爲訓子孫者亦不可不詳紀其實以告方來淵自爲童時常見先君服一毳袍老而不更四十餘年之間綻裂紉補日增歲續蓋不知其幾矣人謂其弊可以易矣先君則恬然服之且謂之曰吾豈不知新爲美

而弊爲惡也吾性頗好儉順吾儉者乃所以養吾性也先母歲常治絲擇其精良者成縑帛以賦公上匱舛不治者則斂而積之每於寒燈深夜緝而理之又手運而足輪之指爪之間爲絲所蝕割截如鋸齒其辛且勤也不亦艱乎幸而至於成丈匹亦不過二三嘗製一衣爲先君服之又爲一大衾使淵兄弟共之自先母之亾迄今二十年矣積而藏之有弗忍御今又合先君毳袍儲焉于以見先君先母其儉其勤皆可以法于後裔苟使之泯然不傳則不肖孤之罪也大矣古之人遇栝棧則思其親其所以思之者口澤

之氣存焉耳。然以衣與衾而較之。豈不尤甚于柩。椁矣乎。蓋我先君先母身之所親手之所就實在於是。卽而觀之。其動容周旋。無不具著于斯。何可一目而少忘哉。此不肖孤所以泣而識之也。淵之後裔爲人父。爲人母者。盍亦取法於是乎。嗚呼悲夫。

評 孝思洋洋流自心血

華文徵人卷之二

雜著

三十六

紀

忍之一字見於經累矣大都隱忍容忍之義多人已相對勿施也何也亦居其上焉戕殺之器也韜之久則發之大鮮不爲禍近道其恕乎怒大而忍小恕公而忍私恕光明而忍隱伏恕一過而不留忍百制而難克恕心平而氣和忍累心而動氣怒而忠焉聖人之道也何有乎忍

一言而壞萬世之心術有諸曰有之後之儒者曰學者以治生爲先務道之以利也曰三代以下惟恐不好名道之以僞也夫貧而治生耻矣矧先之乎有意近名耻矣矧好之乎以是爲誦何所不至而又得以藉口焉夫是之謂壞萬世之心術

金華文徵 卷之二

三七

金不百鍊則不剛人不遭困窮百折則德不固園花先委澗松後凋物固無不然也吾所患畜不極爾畜極而通則何天之衢亨矣故君子德成存乎畜

庭有花凡品也發于秋得氣最後無麗色無芬馨一叢可三月則萬花莫及焉夫萬花何劣乎此也灼灼乎郁乎洩造化之秘色與芬褫之魄矣是故牡丹不十日而此以三月存麗則速齒則遲得之先發之盡宜牡丹之不三月也嘻盈虧之理可鑒哉

評 爲弦爲韋佩服無斃所謂言曲而中殆庶幾  
焉

金華文卷六

雜著

又三



首制治縣志也。縣志則曷爲首制治縣制治也。次疆土土宇也。土宇所爲制治也。次風俗治出也。次人物俗囿也。次名宦外也。次宦達凡槩也。次雜傳概也。次異端非類也。次物產物序也。次括志統無統曲備也。天先而地後也。舊志先天星首分野有以矣。不從之何也。後儒之繙說也。且志地而先天亦倒矣。城池坊市鄉都河渠圩岸疆土物耳。麗制治何也。人爲也。四民而已。其有遊民何也。經制不古。民散久矣。四民之外。是以有遊民也。道德名節。何以異。全備偏曲之殊。

也。名節孝義何以異。奇傑朴茂之分也。政事功名何以異。顯微小大之差也。科名列矣。而名節諸科之不齒何也。科名所同也。名節諸科所獨也。有其科而無其人者。備體也。且幾有待焉耳。虛道德何也。吾聞其語矣。未見其人也。舊志不有泰伯乎。泰伯自周如吳。吳曾不足以繫之。蕞爾江陰而滯泰伯亦過矣。道德名節孝義政事功名隱逸文學之後。本末之次也。生存者之不與。闔棺而後事定也。後列女男女之序也。流寓之附之人物而土居也。年表列矣。而名宦之不與何也。職位所同也。名宦所獨也。科名矣。而又顯宦。

顯宦未必科名也。封贈之爲宦達。恩數儀節與正官同。歷代之隆制也。志者志其不可不志也。傳奉入貲

之志之。何也。收之也。不有以收之。則逸而亂羣矣。舊志

於入貲後其名色而混注之日承事郎承議郎且名器所加古之君子致意

焉。吾欲今之君子之致意也。名藝之列之有用也。後

貨殖賤貨也。賤貨則曷爲著之。記異也。孰不爲貴。江

陰之貴吾驚焉。孰不爲富。江陰之富吾傷焉。故吾爲

之著顯宦貨殖也。方技之麗乎異端何也。怪幻荒惑。

吾醜之。故儕諸異類也。非以其僧之故縣偶無人儕遂以僧復等所爲當之

諸異類。則曷爲後釋道而先尼。淫釋道醜矣。而制行

之高。非方技所望也。方技醜矣。而瑣尾穢惡。不至如

妖尼淫鬼也。古史書方伎亦卓矣。奈之何其醜之。古

之所謂方伎。非吾之所謂方伎也。古之方伎。藝與術

一之。如華佗左慈之類吾之方伎。藝與術析之也。如神醫名巫巧匠良

冶之類謂之名藝燒煉符水詭戲變幻之類謂之方伎十綱者五。一而已。人之

類五出焉。何也。詳之也。品之詳。則擇之審。後之君子

思所以自附焉。叙沿革。論離合。古今之世變可見也。

述名宦表職官司牧之才。否可知也。遺事具曲全之

制。遺文總無附之辭。變異災祥也。吾於是乎考政焉。

物怪也。吾於是乎窮理焉。記大事舉要也。學者務知

之君子於是乎具目焉。諸志之序例次第諸志之志也。古人之用心於是乎。在吾欲後之人有考焉。終之以雜辯。何也。錮異說也。異說之害正放之則已。如何其錮之。甲排而乙招。燕拒而趙納。吾懼其既去而復來也。故暴而錮之耳。嗚呼。豈好辯哉。

評 俱是古法古調。今人罕有。



金華文

改采

四十

卷

精 類纂古志古臨今人翠林

而論其非然。然而論之。百訓。豈執其時。

而論其非然。而論之。非燕拒而趙納。吾懼其既去。

而論其非然。而論之。非燕拒而趙納。吾懼其既去。

而論其非然。而論之。非燕拒而趙納。吾懼其既去。

秦吉了述

明戴于庭

閱邵氏聞見錄稱瀘南有鳥名秦吉了能作人言夷  
 酋欲以錢貨之秦吉了曰我漢禽也不願入蠻夷山  
 遂絕食而歿夫禽鳥之能言者若雀言覆粟鷄解談  
 玄鸚鵡能誦經鸚鵡剪舌彷彿効人語事皆奇怪而  
 忠義不存焉若秦吉了此言辭嚴義正至今讀之猶  
 凜凜有生氣此忠臣義士之言而豈凡禽野鳥之言  
 哉又絕食而歿行足掩之不徒空言之是後尤事之  
 難能而可貴者嗟乎李陵衛律獨非漢人哉祿于蠻  
 夷甘心臣僕而恬不之怪愧秦吉了矣然則秦吉  
 了形禽也而心則烈丈夫之心矣李衛之徒形人也  
 而心則鴟梟之心矣造物者亦曷嘗分靈蠢偏全于  
 其間哉亦由其自靈自蠢自偏自全而已爾愴然傷  
 感因述其事以誌警焉

評下 妙論有關世教

金華文徵

卷之二十

雜著

四一

秦吉

10065

